



Inatsisartunut ilaasortaq Naaja H. Nathanielsen, Inuit Ataqatigiit  
MAANI

**Aatsitassarsiornermut siunnersuisooqatigiit pillugit § 37 naapertorlugu  
apeqqummut nr. 2015-153-imut akissuteqaat**

Inatsisartut suleriaasianni § 37, imm. 1, naapertorlugu matuma kingulianiittut apeqqutit  
Naalakkersuisunut saqqummiuppatit.

17. juni 2015  
Sagsnr. 2015-110245

Postboks 930  
3900 Nuuk  
Tlf. (+299) 34 68 00  
Fax (+299) 32 43 02  
E-mail: mmr@nanoq.gl  
www.naalakkersuisut.gl

**1. Naalakkersuisut nunani tamalaaneersunik ilisimasalinnik inuttalimmik  
aatsitassarsiornermi siunnersuisooqatigiinnik qaqugu pilersitsiniarpat?**

**Akissut:**

Naalakkersuisut naalakkersuisooqatigiinnissamik isumaqatigiissutaanni  
allassimavoq, immikkut ilisimasalinnik nunanit tamalaaneersunik suleqatigiinnik,  
aatsitassarsiornermut suliassaqarfimmi siunnersortaasussanik pilersitsinissaq  
kissaatigipput. Taakkua suliassanik sularinninnermi oqartussaasutut nutaatut  
inissisimassasut naalakkersuisooqatigiinnissamat isumaqatigiissummi  
soorunami siunertaangilaq.

Kisiannili siunnersuisartussat taamaattut qaqugu aamma qanoq  
pilersinneqassanersut naalakkersuisooqatigiinnissamat isumaqatigiissummi  
allassimangilaq.

Aningaasaqarnikkut inissisimanermi pineqartumi aammalu aatsitassarsiorluni  
misissuinernik aamma piiaanernik ingerlataqavittoqannginneranut naleqqiullugu  
maannakkorpiaq ilusiliaq misissorparput, tassani ataatsimiititaliat  
siunnersuisartut pilersinneqareersimasut iluaqutigisinnaassallutigit aammalu  
immaqa katitigaanerat immikkut ilisimasalinnik ataasiakkaanik annertusillugit.  
Maannakkorpiaq Aningaasaqarnermut Siunnersuisooqatigiinni  
ilaalertisisinnaaneq siunertaralugu immikkut ilisimasallit ataasiakkaat  
sumiissusersiniarlugit sulisoqarpoq.

Aallaqqaammut siunnersuisartunut immikkoortunut 2016-imut Aningaasanut  
inatsisissatut siunnersuummi immikkoortitsinissaq pilersaarutaangilaq.

**2. Siunnersuisooqatigiit suliassaat sunaassava? Aatsitassarsiornerup  
pilersikkiartuaarneqarnerani aalajangiinerillu aqutseriaatsillu  
naapertuutinnigitsut pisinnaanerisa annikillisarinnissaanni Naalakkersuisut  
siunnersorneqarnissaannik ilaatigut suliaqassava?**

**Akissut:**

Kalaallit Nunaanni nunap iluanut tunngatillugu aningaasaliinissamat nunanit  
allamiut soqutiginninnerat qanoq siuarsarneqarsinnaaneranut  
immersueqataanissaq misissueqqissaarnissarlu siunnersuisooqatigiit

suliassarissavaat. Siunnersuisartunik kissaateqarneq ulluinnarni suliqaarnermi qanoq piviusunngortinneqarsinnaassanersoq Naalakkersuisut assigiinngitsunik isumaliutersuuteqarput. Ilusiliaq maannakkut isumaliutersuutigineqartoq tassaavoq Kalaallit Nunaanni Aningaasaqarnermut Siunnersuisooqatigiit ilaasortamik ataatsimik arlalinnilluunniit annertusineqarnissaat. Taamaaliornikkut Kalaallit Nunaata aningaasaqarnera pillugu ilisimasat pigineqareersut aammalu aningaasaqarnermut tunngasut aatsitassanut suliassaqarfik pillugu immikkuullarissumik ilisimasaqarfigineqartut, ataqatigiissinneqarnissaat periarfissaqassaaq.

**3. Siunnersuisooqatigiit 2016-imut aningaasanut inatsimmi pingaarnertut pineqarpat?**

Akissut:

Takuuk apeqqut 1-imut akissuteqaat.

**4. Siunnersuisooqatigiit pingaarnertut sutigut piginnaasaqartuussappat?**

Akissut:

Ilaasortat aatsitassanik ikummatissiassanillu misissuinermit piiaanermullu tunngatillugu ilisimasaqassapput misilittagaqassallutillu, tassani aatsitassanut ilisimasaqarneq annertunerusumik pingaartinneqassalluni. Tamatuma sanialigut suaassutsini amerlassusiliinissaq eqqarsaatigineqassaaq.

**Siunnersuisooqatigiit suliassa politikkimut attuumassuteqartuunnginnissaat Naalakkersuisunit qanoq qulakkeerniarneqarpa?**

Akissut:

Politikkimut attuumassuteqartuunnginnissaa pillugu apeqqummut Naalakkersuisut immikkut naalakkersuisooqatigiinnissamut isumaqatigiissummi isummersunngillat. Taamatut atuunnissaq Aningaasaqarnermi Siunnersuisooqatigiinnit isumagineqassappat, arlaannaannulluunniit attuumassuteqannginneq Aningaasaqarnermi Siunnersuisooqatigiinni pissusissamisoortumik atuuttoq, tassani pineqassaaq.

Inussiarnersumik inuulluaqqusillunga



Andreas Uldum